

ԱՐՁԱՆԱԳՐՈՒԹՅՈՒՆ

2016թ. սեպտեմբերի 1-ին ՀՀ բնապահպանության նախարարությունում կայացած Հայաստանի Հանրապետությունում վտանգավոր թափոնների վերամշակման, վնասազերծման, պահպանման, փոխադրման և տեղադրման գործունեության լիցենզավորման միջգերատեսչական հանձնաժողովի նիստի

Սույն թվականի սեպտեմբերի 1-ին ՀՀ բնապահպանության նախարարությունում տեղի ունեցավ «Հայաստանի Հանրապետությունում վտանգավոր թափոնների վերամշակման, վնասազերծման, պահպանման, փոխադրման և տեղադրման գործունեության լիցենզավորման» միջգերատեսչական հանձնաժողովի նիստ:

Նիստին մասնակցում էին՝

- Ա. Գրիգորյան ՀՀ բնապահպանության նախարար
/հանձնաժողովի նախագահ/
- Ա. Մարտիրոսյան Երևանի քաղաքապետարանի աշխատակազմի
բնապահպանության վարչության պետ
- Ա. Եզանյան ՀՀ էկոնոմիկայի նախարարության աշխատակազմի
արդյունաբերության քաղաքականության վարչության պետ
- Ե. Տերտերյան ՀՀ բնապահպանության նախարարության աշխատակազմի
թափոնների և մթնոլորտ արտանետումների կառավարման
գործակալության պետ
- Ա. Հարությունյան ՀՀ գյուղատնտեսության նախարարության աշխատակազմի
բուսաբուծության և բույսերի պաշտպանության վարչության
պետ
- Կ. Կարապետյան ՀՀ արտակարգ իրավիճակների նախարարության
Հայաստանի փրկարար ծառայության ԲՏՊ վարչության
տեխնաձին վթարների, հակաքիմիական և
հակաճառագայթային պաշտպանության բաժնի պետ
- Ա. Խաչատրյան ՀՀ ֆինանսների նախարարության աշխատակազմի
լիցենզավորման գործակալության պետ
- Ա. Առուստամյան ՀՀ առողջապահության նախարարության աշխատակազմի
առողջապահական պետական տեսչության հիգիենայի
բաժնի գլխավոր մասնագետ
- Վ. Խաչատրյան ՀՀ կառավարությանն առընթեր ազգային անվտանգության
ծառայության աշխատակից
- Ի. Հակոբյան ՀՀ բնապահպանության նախարարության աշխատակազմի
վտանգավոր նյութերի և թափոնների քաղաքականության
բաժնի գլխավոր մասնագետ /հանձնաժողովի քարտուղար/

Նիստին հրավիրված էին՝

«Մետէքսիմ» ՍՊԸ-ի ներկայացուցիչները՝
Ռ. Հայրապետյան՝ տնօրէն
Դ. Կարապետյան՝ իրավաբան
Վ. Թևոսյան՝ փորձագետ

Հանձնաժողովի նիստը բացեց հանձնաժողովի նախագահ՝ ՀՀ քննապահականության նախարար պարոն Ա. Գրիգորյանը՝ ներկայացնելով օրակարգի հարցը.

«Մետէքսիմ» ՍՊԸ-ի կողմից ներկայացված վտանգավոր թափոնների վերամշակման, վնասազերծման, պահպանման, փոխադրման և տեղադրման գործունեության լիցենզիա ստանալու մասին լրամշակված հայտի քննարկում:

Պարոն Գրիգորյանը հայտնեց, որ լիցենզավորման հանձնաժողովի նախորդ նիստին քննարկվել է «Մետէքսիմ» ՍՊԸ-ի կողմից ներկայացված լիցենզիա ստանալու մասին հայտի փաթեթը, որը պետք է լրամշակվեր կազմակերպության կողմից՝ հանձնաժողովի փորձաքննական եզրակացության հիման վրա:

Այդ կապակցությամբ «Մետէքսիմ» ՍՊԸ-ն ներկայացրել է պարզաբանումներ՝ միջգերատեսչական հանձնաժողովի անդամների հարցադրումների վերաբերյալ, ինչպես նաև Բանեցված թափային մարտկոցների հավաքման, պահեստավորման և տեղափոխման շրջակա միջավայրի վրա ազդեցության գնահատման հաշվետվությունը:

Նշված նյութերն ուսումնասիրման համար տրամադրվել են լիցենզավորման միջգերատեսչական հանձնաժողովի անդամներին:

Նիստի ընթացքում ներկաները նշեցին, որ կազմակերպությանը վտանգավոր թափոնների վերամշակման, վնասազերծման, պահպանման, փոխադրման և տեղադրման գործունեության լիցենզիա տրամադրելու առնչությամբ առարկություններ չունեն:

Պարոն Գրիգորյանը ամփոփեց հարցի քննարկումն ու հանձնաժողովի անդամների հնչեցրած կարծիքները, ինչի արդյունքում որոշվեց տալ դրական փորձաքննական եզրակացություն՝ «Մետէքսիմ» ՍՊԸ-ի կողմից վտանգավոր թափոնների վերամշակման, վնասազերծման, պահպանման, փոխադրման և տեղադրման գործունեությամբ զբաղվելու վերաբերյալ:

Ա. Գրիգորյան		Թ. Խաչատրյան	
Ա. Մարտիրոսյան		Ա. Առուստամյան	
Ա. Եզանյան		Թ. Խաչատրյան	
Ե. Տերտերյան		Հակոբյան	
Ա. Հարությունյան			
Կ. Կարապետյան			